

Gaañ™ila Islaamaa-Lakk.6.1

Description

Abbaa Manaa Kee Akkamitti Filattaa?-Kutaa 1ffaa

Kutaalee darban keessatti dhiirri tokko hiriyyaa jireenyaa tan taate niiti isaa akkamitti akka filatu ilaalle jirra. Islaamni saalaa lamaaniif mirga isaaniif maluu kennee jira. Dubartiinis mirga abbaa manaa ishii filachuu qabdi. Dubarri takka sadarka shamarrummaa irra yommuu geessu, dhiira akkamiitu naaf tañ™a jechuun yaadun ishii hin oolu. Wanti guddaan shamarri dhiira irraa barbaaddu mararfannaa fi haala gaariin ishii kunuunsudha. Nama ishii bohaarsu fi dhiphinna jireenyaa irraa hirñ™isuu barbaaddi. Kanaafu, obboleetti koo! Nama akkanaa eessaa argatta ree? Tarii dhiirri baayñ™een gubbaan wanta miidhagaa sitti mulñ™isee si gowwoomsu dandañ™a. Mee koottu! Dhiira ati barbaaddu akkamitti akka filattu siif akeekati.

1-Amantii fi Amala Gaarii kan qabu Filadhuu

Asitti amantii yommuu jennu iimaanni isaa cimaa tañ™uudha. Amalli gaariin immoo firii iimaanaa waan tañ™eef uumaman ykn adeemsa keessa kan argamuudha. Nama iimaana qabuu fi amalli isaa gaarii tañ™e beekuf tooftaa adda addaatti fayyadamu dandeenya. Iimaana isaa madaaluf safartuun jalqabaa salaata. Dhoksaa fi ifatti salaata shanan sirnaan yoo salaate, murtii alaatin iimaana qaba jennee murteessina. Garuu obboleetti koo wanti tokko si gowwoomsu dandañ™a. Innis, iimaana qaba akka jedhamuuf dhiirri tokko si kadhatuuf yommuu dhufu, salaata salaatu fi ibaadaa biraa hojjachuu dandañ™a. Garuu kana dura salaata qaba hin qabu. Namni akkanaa dhugumatti si qofa osoo hin tañ™in ofillee gowwoomsaa jira. Rabbiif niyyaa isaa qulqulleessu dhiisee dubartii argachuuf yommuu ibaada hojjatu hangam nifaaqni keessa isaa seenu abbatu beeka. Dhiirota akkanaa irraa nagaha bahuuf, gara keetti dhufuun dura haala isaa hiriyyoota isaa ykn nama isa beekan gaafachuudha. ÆNamni kuni salaata sirnaan salaataa? Waan badaa irraa ni dheessaa?Æ jedhanii qorachuun ni dandañ™ama.

Rabbiin subhaanahu wa tañ™aalaa intala ofii eenyutti heerumsiisu akka hin qabnee fi eenyutti heerumsiisuu akka qaban haala kanaan warra intalaa gorsa

تُنَكِّحُوا الْمُشْرِكِينَ حَتَّى يُؤْمِنُوا وَلَعَبْدٌ مُّؤْمِنٌ خَيْرٌ مِّنْ مُّشْرِكٍ وَلَوْ
كُمُ أُولَئِكَ يَدْعُونَ إِلَى النَّارِ وَاللَّهُ يَدْعُوا إِلَى الْجَنَّةِ وَالْمَغْفِرَةِ
وَيُبَيِّنُ ءَايَاتِهِ لِلنَّاسِ لَعَلَّهُمْ يَتَذَكَّرُونَ ﴿٢٢١﴾

Sababni isaas, warri intala nama qabeenya qabutti malee intala teenya hin heerumsiisnu jedhanii yoo didan, intalli fi gurbaan miidhaa baay’ee saaxilamu. Intala teenya nama qabeenya baay’ee qabutti malee hin heerumsisnu osoo jedhanu, intalli manatti hafuu dandeessi. Akkasumas wanta fokkuutti kufuu dandeessi. Dhiiris dubartii isaaf maltu osoo hin fuudhin yoo hafe wanta fokkuutti kufuu danda’u. Haala kanaan zinaan dachii irra babal’ata.

Bareedinnaan hin gowwomiin!

Seenaan ni odeefama, dargaggessa tokkotu intala baadiya takka fuudhuf kadhate. Bareedinni isaa ishii ajaa’ibsiise. Akhlaaqa (amala) fi adeemsa isaa osoo itti hin yaadin intalli tuni isatti heerumuuf muddamte. Abbaan ishii mucaan kuni amala gaarii akka hin qabne ishii gorse. Ishiin gorsa abbaa kana hin jaallanne. Abbaan nikhaa ishiirratti fudhatu dide. Garuu ishiin tole hin jenne. Dhumarratti gurbaa kanatti ni heerumte. Ji’u tokkoon booda abbaan ishii mana ishiitti ishii ziyaaruf (daawwatuuf) dhufe. Qaama ishii irratti mallattoolee rukutaa dhiirsi rukute arge. Mallattoo kana akka waan hin agarre ta’ee akkana jechuun ishii gaafate; ‘Haalli kee akkamii yaa intala koo?’ Akka waan gammachuu qabdu ni fakkeessite. Abbaanis ni jedheen, ‘Mallattoon rukutaa kuni maalii?’ • Yeroo dheeraaf hiqqifatte bootte. Ergasii akkana jette: Yaa abbaa koo maal siin haa jedhu?’

Kanaafu, dubartiin dhiira miidhaginnaa fi qabeenya baay’ee qabuun gowwoomu hin qabdu. Amala fi amanti isaa ilaalu qabdi. Miidhaginnii fi qabeenyi ishii dharraasisuu yeroon booda ni deema. Seenaan kuni obboleettiwwan keenyaf barnoota guddaa ta’u jedhee yaada.

2-Hanga ta’u tokko Kitaaba Rabbii irraa kan waa haffaze filadhuu

Qur’aana irraa hanga ta’u qomatti kan qabatee fi hojii irra oolchuf kan tattaafatu yoo ta’u, haalli isaa waa tole. Ergamaan Rabbii (SAW) sahaabota isaa keessaa nama Qur’aana irraa waa haffazeen dubartii itti heerumsisee jira.

Hadiisa sahiih Al-Bukhaari fi Muslim gabaasan keessatti, Sahl bin Sa’ad akkana jedha: Gaaf tokko osoo Nabiyyi (SAW) waliin teenyu dubartiin takka dhufuun isaaf of dhiyeessite. Nabiyyinis ija ofii gadi qabee olkaase. Deebii ishiif hin deebisne. Sahaabota isaa keessaa namtichi tokko, ‘Yaa Ergamaa Rabbii! Natti heerumsiisi.’ Jedhe. Nabiyyinis (SAW) ni jedhe, ‘Waa si bira jiranii?’ Innis, ‘Homaa na bira hin jiran.’ Nabiyyinis, ‘Qubeellaa (amartii) sibiilaa irraa tan taates hin jirtu?’ Innis ni jedhe, ‘Qubeellaan sibiilaa irraa tan taates hin jirtu. Garuu uffata kiyya kana bakka lamatti tarsiisun walakkaa ishiif kenna, walakkaa immoo ofii fudhadha.’ Nabiyyinis ni jedhe, ‘Lakki hin ta’u. Qur’aana irraa wanta qomatti qabatee jiraa?’ Innis ni jedhe, ‘Eeti.’ Nabiyyinis ni jedhe, ‘Deemi! Qur’aana irraa wanta si bira jiruun ishii sitti heerumsiisee jira.’ [Sahiih Al-Bukhaari 5132](#)

Guduunfaa

‘Dubartiniis akkuma dhiiraa yommuu heerumaaf yaaddu, gaafilee kanniin of haa gaafattu: Heerumuu maaliif barbaadee? Namni itti heerumu suni nama akkamiitii? Akkamitti heerumaa?’ Maalif akka heerumtu haala kanaan guduunfu dandeessi: ‘Ani dhiira iimaana qabu barbaada. Sababni ani isatti heerumuu barbaaduf karaa dheeraa Jannatatti nama geessu waliin deemufi. Ilma gaarii yoo arganne, Islaama irratti isa guddisuun hawaasa keenya akka jijjiru ni tattaafanna. Kuni immoo Akhiratti mindaa guddaa nuuf argamsiisa.’

âœ’Kaayyoo heerumtuuf haala kanaan erga lafa keettee booda nama kaayyoo kanarratti ishii gargaaru barbaadachuuf tattaafachu qabdi.

âœ’Wanti guddaan kaayyoo kanarratti ishii gargaaru: mataa ofiiti iimaana qabaachu fi abbaa manaa iimaana fi amala gaarii qabutti heerumudha.

âœ’ Salaata sirnaan salaatan hojii guddaa iimaanni namaa itti madaallamuudha.

âœ’ Amala gaarii isaa madaaluf tooftaa kanatti fayyadamuun ni dandaâ€™ama: hojii gaggaarii hojjachuu fi hojii fokkuu irraa fagaachu isaa ilaalu; namootaf mararfachuu fi tola oolu isaa ilaalu.

âœ’ Nama iimaana fi amala gaarii qabutti heerumuun faaydalee armaan gadii siif buusa:

âœ’Addunyaa tana keessatti gammachuu fi tasgabbiin waliin jiraattu. Yoo si jaallate si kabaja. Yoo si jibbee si hin miidhu.

âœ’Daaru Salaam (Ganda Nageenyaa-Jannata) akka geessu si gargaara. Hojii gaaritti si kakaasa, hojii badaa irraa si dhoowwa.

âœ’Ijoollee teetiif fakkeenya gaarii taâ€™a.

Maddoota Wabii

[Az-zawaajul Islaamiyy Saâ€™iid](#), Mahmud Misrii, fuula 232-238

<http://sammubani.com/2016/01/02/159/#more-1183>

<https://islamqa.info/ar/answers/222203/>

Date Created

January 2, 2019

Author

admin